


HILLCREST HIGH SCHOOL



AFRIKAANS EERSTE ADDISIONELE TAAL

VRAESTEL 2

NOVEMBER 2019

GRAAD 9

PUNTE: 60

TYD: 1 UUR

Hierdie vraestel bestaan uit 10 bladsye.

INSTRUKSIES EN INLIGTING

1. Vul die voorblad op jou antwoordstel ordentlik in en moet dit onder GEEN omstandighede afskeur nie.
2. Hierdie vraestel bestaan uit twee afdelings:

Afdeling A:	Filmstudie	[12]
Afdeling B:	Gedigte	[48]
3. Jy moet al die vrae beantwoord.
4. Nommer jou antwoorde soos dit op die vraestel genummer is.
5. Skryf netjies en leesbaar.
6. Let op hoeveel punte elke vraag tel en beantwoord dan jou vrae daarvolgens.

STERKTE!

AFDELING A: Filmstudie: “Suurlemoen”

Beantwoord die volgende vrae oor die filmstudie:

- 1.1 Wat is die band se naam? [1]
- 1.2 Verduidelik wat Tiaan en Zane:
- 1.2.1 as sport doen. [1]
- 1.2.2 op die internet doen. [1]
- 1.2.3 se droom is. [1]
- 1.3 Watter twee “foute” het Tiaan en Zane aan die begin begaan wat hulle in die moeilikheid laat kom het? [2]
- 1.4 Sê wat elke lid in die “band” doen:
- 2 Tiaan
- 3 Zane
- 4 Liezl
- 5 Bongi [2]
- 1.5 Waarom gaan hulle aan die kompetisie deelneem? [1]
- 1.6 Hoekom besluit hulle op die naam “Suurlemoen”? [1]
- 1.7 Hoekom wou Zane nie meer vriende met Tiaan wees nie? [1]
- 1.8 Wat, sê Meneer Marx, is die belangrikste ding van ‘n “band” [1]

TOTAAL AFDELING A: 12 PUNTE

AFDELING B: GEDIGTE

Lees deur gedig en beantwoord dan al die vrae wat volg.

Vraag 1: From linda@hotmail.com to simon@hotmail.com

From linda@hotmail.com to simon@gmail.com

Haai, Simon

Jy het my seker nie vandag gesien
daar voor die snoepie
toe ek vir jou waai nie
[daar was so baie mense rondom jou].

Ek verstaan dit, want jy is mos altyd haastig,
Veral nou dat die rugbyseisoen weer begin het,
so moenie dink ek's kwaad nie!
Nee, ek sê maar net hello.

Hoe gaan dit nou met die wiskunde?
Ek kan jou enige tyd weer help
as jou pa nog steeds nie
met jou punte tevrede is nie.

Dan sê ek nou maar baai.
Daai opstel gaan nie vanself klaarkom nie!
Sê net as jy weer wil hê
dat ek joune spellcheck.
Linda

- 1.1 Gee die naam van die spreker in die gedig. [1]
- 1.2 Die volgende stelling is WAAR. Bewys dit deur een woord uit gedig aan te haal.
Simon is 'n sportman. [1]
- 1.3 Kies die mees gepaste antwoord. Skryf net die nommer en die letter as antwoord neer, bv. 1. 3. 1 A.
- 1.3.1 'n "Snoepie" is...
- A. 'n lekkerny.
 - B. 'n animasiehondjie.
 - C. 'n supermark.
 - D. 'n skoolwinkeltjie. [1]
- 1.3.2 Ons noem 'n vier-reëlige strofe, 'n
- A. koeplet.
 - B. kwatryn.
 - C. sestet.
 - D. oktaaf. [1]
- 1.4 Hoe het die spreker Simon se aandag probeer trek? Haal een woord uit die gedig aan. [1]
- 1.5 Waarom is die laaste versreël in strofe 1 in hakies geskryf? [1]
- 1.6 Watter verskoning maak die spreker vir Simon hoekom hy haar nie teruggegroet het nie? [1]
- 1.7 Hoe weet die spreker dat Simon altyd haastig is? [1]
- 1.8 Wat kan dalk gebeur as Simon dink die spreker is kwaad vir hom? [1]
- 1.9 Waarom, sê die spreker, stuur sy hierdie e-pos? [1]
- 1.10 Met watter skoolvak het die spreker vir Simon gehelp? [1]
- 1.11 Die volgende stelling is WAAR. Haal twee versreëls uit die gedig aan om dit te bewys.
Simon was nie juis gepla oor sy Wiskundepunte nie. [1]
- [12]

VRAAG 2: klein geloof (Tanja Joubert)

Lees noukeurig deur die gedig en beantwoord dan die vrae wat volg.

klein geloof

die kabouter is uit my tuin gesteel
 en kersvader kom nooit meer op sy slee
 die tandemuis was net my ma
 en paddaprinse is amfibieë

Armstrong was die man op die maan
 en my melkskommelweg het versuur
 drake is dinosourusse
 lugkastele is argitektuur

ek het ál my sprokies brand gesteeek
 Realisme, Feite, Wetenskap:
 EK KAN BEWYS!

maar waarom slaap ek met my lig nog aan
 stoei met die monsters onder my bed
 en waarom bid ek elke dag
 dat die Prins op die donkie my moet red?

Tanja Joubert

2.1 Kies die korrekte antwoord. Skryf net die nommer en antwoord neer.

Die kabouter in strofe 1 was oorspronklik (in die tuin/in die huis) gesit.

[1]

2.2 Pas die woorde in KOLOM B by die woorde in KOLOM A. Skryf net die nommer en die letter as antwoord neer, bv. 2.2.1 A.

KOLOM A	KOLOM B
2.2.1 Die tandemuis	A. Neil Armstrong.
2.2.2 Paddaprinse	B. My Pa.
2.2.3 Die man op die maan	C. My Ma.
	D. Amfibieë.

[3]

2.3 Wat het kersvader as "vervoer" gebruik? Haal een woord uit die gedig aan.

[1]

2.4 Hoe, dink jy, het die spreker besef dat paddas nie in prinse gaan verander nie?

[1]

2.5 Kies die korrekte antwoord. Skryf net die nommer en letter neer, bv. 2.5.1 A.

2.5.1 Neil Armstrong was ...

A. 'n fietsry kampioen.

B. 'n ruimtereisiger.

C. 'n swaargewig bokskampioen.

D. die spreker se kêrel.

[1]

2.5.2 Die melkweg is

A. die melk wat ons elke dag drink.

B. 'n pad waar melk gekoop kan word.

C. baie sterre bymekaar in die lug.

D. 'n wit gevefde streep in die lug.

[1]

2.6 "Ek het ál my sprokies brand gesteeek"

Verduidelik wat die spreker gedoen het.

[1]

2.7 Skryf die drie dinge neer waarin die spreker nou glo.

[1]

2.8 Haal 'n versreël aan wat vir ons sê waarom die spreker in die drie dinge in (2.7) glo.

[1]

2.9 Haal een woord uit die gedig aan wat 'n teenstelling/verandering/wending aandui.

[1]

[12]

VRAAG 3: Beste vriende (Jaco Jacobs)

Beste vriende

Jy het bloedrooi hare
 jy's so lank soos 'n telefoonpaal.
 Ek is kort en dra 'n bril,
 en my hare is vaal.

STROFE 1

Jy hou van hardloop;
 ek hou van swem.
 Ek praat nogal sag
 en jy't 'n harde stem.

STROFE 2

Jy skryf met jou regterhand;
ek skryf met my linker.
My kamer is netjieser as joune,
en my skoolskoene is blinker.

STROFE 3

Jy is goed in Wiskunde;
Ek weer met musiek.
Ek hou van lees
en jy is dol oor fliek.

STROFE 4

Jou gunstelingkos
is sosaties wat gebraai is;
terwyl ek mal oor pasta
of aartappelslaai is.

STROFE 5

Ek staan soggens vroeg op;
jy slaap graag laat.
Jy is geduldig;
ek word gou kwaad.

STROFE 6

Jy hou van bordspeletjies;
ek dink dis die toppunt van verveling.
Maar as dit nie vir hierdie dinge was nie,
was ons sowaar 'n tweeling.

STROFE 7

Jaco Jacobs [Uit: 'n Brulpadda in my tas, LAPA Uitgewers, 2008]

- 3.1 Wat maak van iemand jou beste vriend? Noem twee feite. [2]
- 3.2 Haal 'n voorbeeld van assonansie uit strofe 6 aan. [1]
- 3.3 Noem twee uiterlike verskille tussen die twee maats. [2]
- 3.4 Haal 'n versreël aan wat bewys dat die spreker se vriend goed is met syfers. [1]
- 3.5 Noem die sportsoort waarvan die spreker hou. [1]
- 3.6 Haal EEN woord aan wat sê dat die maat BAIE van fliek hou? [1]
- 3.7 Wat is die maat se gunsteling kos? [1]
- 3.8 “die ek-spreker sal daarvan hou om Monopoly te speel”
Die bogenoemde stelling is ONWAAR. Haal 'n versreël aan om dit te bewys. [1]
- 3.9 Haal een versreël aan wat bewys dat die spreker ongeduldig is. [1]
- 3.10 Hoekom dink jy is hierdie twee sulke goeie vriende? [1]
- [12]

VRAAG 4: Vyftien (Anoniem)

Vyftien	
Toe ek vyf was, het ek altyd gedink nog tien jaar en ek is vyftien	1
Die perfekte tyd om met seuns uit te gaan	5
Die perfekte tyd om my te grimeer	
Die perfekte tyd wanneer jy laat kan uitbly	
Die perfekte tyd wanneer jy kan soen – behoorlik! en kan vloek!	10
Die groot avontuur! Maar nou dat ek vyftien is wens ek dat ek weer vyf is	15
Daardie onskuldige tyd toe seuns nie jou hart gebreek het nie	
Daardie onskuldige tyd sonder puisies en aknee	
Daardie onskuldige tyd toe jy nie uitgetrap is omdat jy laat is nie	20
Daardie onskuldige tyd toe jy nog nie oorlaai was met werk nie	
Daardie onskuldige tyd toe niemand jou geterg het oor jou manier van soen nie	25
Ek wonder ... hoe voel dit om een en twintig te wees ...?	

4.1 Waarvoor het die spreker gewens toe sy vyf jaar oud was?

[1]

4.2 Pas die woorde in KOLOM A by die stellings in KOLOM B. Skryf net die nommer en die letter as antwoord neer, bv. 4. 2. 1 A.

KOLOM A	KOLOM B
4.2.1 Om met seuns uit te gaan.	A. Sy is geterg.
4.2.2 Om my te grimeer.	B. Daar is met haar geraas.
4.2.3 Om laat uit te bly.	C. Haar hart is gebreek.
4.2.4 Om behoorlik te soen.	D. Sy het te veel skoolwerk.
	E. Sy het velprobleme gekry.

[4]

4.3 Haal drie opeenvolgende woorde aan wat vir ons beskryf hoe sy as vyfjarige kind “vyftien” gesien het.

[1]

4.4 Hoekom, dink jy, wou die vyfjarige kind hierdie spesifieke dinge doen as sy vyfien is?

[1]

4.5 “Maar nou dat ek vyftien is wens ek dat ek weer vyf is”

Kies die korrekte antwoord. Skryf net die nommer en antwoord neer.

Die spreker is (in ekstase/teleurgesteld) met vyftien-wees.

[1]

4.6 Haal drie opeenvolgende woorde aan wat die tydperk van vyf jaar oud wees, beskryf.

[1]

4.7 Haal drie opeenvolgende woorde aan wat die spreker se velprobleme beskryf.

[1]

4.8 Wie, dink jy, het die spreker “uitgetrap” omdat sy laat was?

[1]

4.9 Wie, dink jy, het die spreker oorlaai met werk?

[1]

[12]

TOTAAL AFDELING B: 48 PUNTE

SOMTOTAAL: 60 PUNTE